



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CIX. Deus, laudem meam ne tacueris, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Sorte dabo Sichimos, metiar atq; Suchot.
Est Gileath meus, atq; Ephrem, fidusq; Manasses,
Hic robur populi Dux sed Juda mei.
Olla mihi Moab sit, vasis apta lauandis,
Purgabis soleas, fortis Edume, meas.
Jubila cantabo, per cuncta Philistia regna,
Hostibus hinc domitis, gaudia plena feram.
Quis me deducet per fortia mœnia in urbem?
Quis, rogo, Edumeos duxerit ad populos?
Nonne id tu facies Deus, etsi nostra repelli
Agmina, nec duce te prœlia inire sinis.
Auxilium presta, Deus, ad sis tempore iniquo,
Humano auxilio quàm malè fida salus?
Auxiliante Deo, victricia signa feremus,
Ipse hostes nostris subiiciet pedibus.

PSALMVS CIX.

Deus, laudem meam ne tacueris, &c.

NE sileas, Deus ô, mea laus, mea gloria, cuius
Tempore non ullo à me reticetur honos.
Ne sileas, ne dissimules opprobria falsa,
Hoc quibus oppugnat perfida lingua caput.
Impia turba suo mihi ubiq; molesta veneno

Persequitur gratis me rabido ore petens.
Hostili illa odio nostrum compensat amorem,
Sic equidem affectis non nisi fausta precor.
Est orare meum, mea cum benefacta rependunt
Insidiis hi, quos non simulanter amo.
Quisquis is est, illi dominetur ut impius omni
Tempore, et à dextris stet, iube, ut ipse Satan.
Quem sibi qui statuit doctore, artisq; magistrum
Huius damnata non valere preces.
Nec sine, contingant huic longa tempora vitæ,
Alter id officium, quod gerit, accipiat.
Omnis fac soboles misera ipsius atq; sit orba,
Uxores viduæ sint egeantq; dape.
Et profugum semen mendicet ubiq; locorum,
In vacua panem querat inopsq; domo.
Fœnoris illaqueet nexu spoliator eundem,
Et rapiant alii parta labore bona.
Nemo vicem doleat spoliati: nullus amicus
Pupillorum inopum sit miserando pater.
Opprimat & seros eadem fortuna nepotes,
Sic pereat nomen posteritasq; viri.
Maiorum peccata Dei memor illius ira
Puniat exemplis tristibus & tragicis.

Et

Et qua mente leui commisit crimina mater,
Horum obliuisci Ioua nec ipse velit.
Nunquam è conspectu Domini illius acta recedant,
Nomen at illius funditus intereat.
Interitus causam tanti sed scito fuisse,
Nulla quod huic miseris parcere cura fuit.
Afflictos, inopes, pressos mœrore metuq;
Quod studuit variis perdere morte modis.
Obruet hunc, qua alios toties, maledictio, laesit,
Gratia, quam repulit, nulla beabit eum.
Semper grata viro, execratio vesti at ipsum,
Tanquam olei, penetret viscera et ossa, liquor.
Sit loco ei interula, nuda undiq; membra tegentis,
Ceu noua Zona illi cingat utrumq; latus.
A Domino datur hæc merces, hanc imprecor illis,
Qui mihi sunt hostes, perniciemq; struunt.
At tu, summe Deus, propter tua numina sancta,
Sis mecum, & gressus dirige, quaeso, meos.
Et propensa piis tua gratia, liberet ergo
Me bonitas clemens & tua summa fides.
Pauper & exul ego non vno affligor ab hoste,
Corporis ossa mei cordaq; quassa iacent.
Deficio, umbrae instar, qua sole cadente recedit,

Excus

Excitior, sicut pulsa locusta fugit.
Nutant agra fame genua, attenuataq; prorsus
Membra nihil succi, dum caro marcet, habent.
Interea sum ludibrium, probrisq; onerat me
Turba mouens risus, docta agitare caput.
Ergo tua bonitate, Deus, mihi adesto, & opem fer,
Ut dextra agnoscant hoc opus esse tue.
Cum maledicendo pergunt, benè perge precari,
Cum mihi se opponunt, occupet ora rubor.
At tuus exultet seruus, letusq; triumphet,
Et tua per cunctas predicet acta plagas.
Ceu veste opprobriis ignominiâq; tegatur
Impius hostis, habens quod gemat atq; fleat.
Interea Domino soluam corde oreq; grates,
In cætu laudes & celebrabo Dei.
Qui dextra assistens in fontum iurat uetur,
Ne pœnas unquam, quas meruere, luant.

PSALMVS CX.

Dixit Dominus Domino meo, &c.

Verba meo Domino, Dominus quæ dixit, ea
hæc sunt:

Nate, meam sedes ad dextram: dum tibi collum
Hostis